



Branch Executive Committee an meeting

Chanmari West, January 29 : Ni 24.1.2012 (Thawhleh) zan khan Chanmari West Branch YMA Executive Committee chu Branch President Pu T. Ngurkhuma inah an meeting a, thu pawimawh hrang hrang an rel a ni. He meeting thlenga sum dinhmun chu Main Account-ah Rs 68,761.00, Zawlbukah Rs. 1,93,886.00 leh Chhياتni Fund-ah Rs.16,850.00 a ni.

Chanmari West Branch YMA member tur lak leh tur a ni a, YMA Dan Bu Bung III chang 17-20 tlawhchhanin lak tur a ni a, annual member fee-ah Rs 2 leh kumpuanah Rs 3 khawn tel tur a ni a. February thla chhunga lak fel hman tura tih a ni.

Kum hmasa lama Section wise performance hmanga inelna thianghlim (Section inchhiarna) kan lo neih thin chu kumin 2012-ah hi chuan neih loh tur a ni.

Central YMA in khaw kilkhawr tak tak leh harsa tak tak Branch YMA, property pawh nei tha lo te tana heng bungrua; P.A Set, Typewriter, Cyclostyle, Dekchi, No, Thleng, Guiter, Silpoulin te pe tura ngenna a siam angin, Section ten tanpuina tur an neih ang ante lo in enfel se, pek tur neite chuan Branch Secretary hnenah hriattir nise tih a ni bawk.

Section sum enkawltute tan Account Traning neih tura tih a ni a, a tul anga hma lo la turin Branch O.B te ruat an ni.

Chanmari West Census neih tha tih ni a. Branch O.B ten form lo siam se, chumi hmang chuan Section ten mahni huamchungah theuhah February 2012 ralhma-in hma lo la se tih a ni.

Kumin 2012 chhung atana Chanmari West Branch YMA chhياتni kaihhruaina tur siam a ni a. Chhياتni Fund hi Category A-ah Rs 300, B-ah Rs 200, C-ah Rs 100 a thawh turte then tur a ni a. A list hi Ni 5.2.2012 ral hma-in Branch Secretary Pu RL.

Thanhnuna hnenah thehluh tura beisei a ni.

Chiatni Fund khawna tur Receipt Branch sum enkawltu ten lo buatsaihin, Section hruaitu ten tlawmngaiin **February 2012** ral hma in lo khawn se tih a ni.

Kumin 2012 chhung atana YMA Aw la turte Section hruaitu ten lo zawn nise, **Ni 5.2.2012** ral hma in copy lak theih zat Editor hnenah thehluh tura ngen an ni.

Member lak hi **Ni 29.2.2012** ral hma-in, a list leh pawisa Branch Secretary hnenah thehluh vek nise.

YMA Zawlbuk kan sak mek hi chhuzawm zel nise, a tul anga hma turin Working Committee hetiang hian din a ni.

Chairman : Pu K.Darthantluanga
Vice.Chairman : Pu C. Lalzarliana
Secretary : Pu Lalrinliana (Tea)
Asst.Secretary : Ni Lalramengzami
Committee Memberte:

1. Pu T.Ngurkhuma
2. Pu R. Lalmachhuana
3. Pu R.L.Thanhnuna
4. Tv Zairemmawia
5. Pu VL Thakima
6. Pu K.Lalthakima
7. Pu RK Rozidinga
8. Pu Lalchhanhima
9. Pu Lalchhandama
10. Pu Vanlalsawma
11. Pu R.Lalthazuala
12. Pu VL Huma
13. Tv Zothankima

HRIATTIRNA

Local Council inthlan lo awm turah chuh tumte chuan Pu Zothangzuala Chhangte hnenah Ni 1.2.2012 thleng hming pek luh theih a ni. Ni 2.2.2012-ah endik a ni ang a, 3.2.2012-ah inhnuhdawh theih hun tawp a ni ang.

Branch News

Ni 24.1.2012(Thawhleh) zan khan Branch Executive Committee meeting wawi 1 na a thu.

Sub-Committee hrang hrang ten Committee member tur an ruatte chu pawmpui vek an ni.

Hmalakna tur hrang hrangah tlawmngaih chhuah a, hma la turin Section te kan inngen a. Hun tiam awmte pawh bawhpel lo hram tura ngen kan ni e.

Kumin 2012 atana YMA Aw chanchinbu la turin chhungkaw tinte kan inngen tak meuh a ni.

Kumin 2012 chhung atan chhياتni Fund Section hruaitu ten an khawn tan leh dawn a, chhungkaw tinte tlawmngaia lo pe zel turin kan inngen e.

LUSUN KHAWHAR

Rev. RB. Laitawia kum -77 leh Pu Rokhuma kum-61, Chawngbawla Section ve ve te chu Ni 25.1.2012 khan an boral a, an kalsan tak an chhungte Chanmari West Branch YMA chuan a tuarpui takzet a ni.

LAWMTHU

Kan fapa Lallawmpuia Kum - 2, Ni 19.12.2011 a min boral san chungchangah Chanmari West YMA te, nu leh pa te leh thenawm khawveng ten a tul ang anga min buaipuina zawng zawngah Pathian hmingin lawmthu kan sawi a, inthatna Lalpan malsawmnain vur zel che u rawh se.

In lainatna dawngtu

VANLALRUATA te nupa Hmunpui, Mamit District.



TUNKAR CHANGVAWN

Amahah chuan lung rem hrang
[theuhte rem taka chuktuahin]
[Lalpaah chuan Biak In]
[Thianghlimah a chang zel thin a;]
[nangni pawh amahah chuan]
[Thlarauva Pathian awmna tura]
[rem khawm in ni.]

Ephesi 2:22,22

Editorial Board

Editor

J.Lalnangliana
9862399658

Joint Editor :

Lalchhandama
9862358347

News Editor

Thangkuma
9862303135

R. Lalringgheta
9862358337

Jacob Lalrinsanga
9612319779

Cir.Manager

Johny Lalthanpuia
9612359161

EVL. Hruaitluanga
9862655426

Production

Manager
R.Lalmachhuana
9436151817

Branch Office Bearer

President

T.Ngurkhuma
9436190843

Vice President

R.Lalmachhuana
9436151817

Secretary

RL.Thanhnuna
9436152760

Asst. Secretary

Zairemmawia
9862385654

Treasurer

C.Lalzarliana
9436142049

Fin.Secretary

K.Darthantluanga
9436196071

Advisers

Pu Lalbiakthanga
Khangte

Pu Rothuama

Pi Zamanthangi

Pu Lalrenguia

Sailo

2012 Thuvawn

*Iawmdan tur chu
LALPA chungah
nghat la; Amah
chu ring la, aman
a ti vek ang.*

Editorial :

Pawl hruaitu nih hi chuan sawisel leh rel thleng pawh a tawrh theih a ngai hle. Ti ve peih hawt lo leh thei hauh lo te duh tawh pawh tlin a har hle a ni. Amaherawhchu, sawiselnah hi chak loh phah nan hmang lovin hmasawn nan leh insiamthat nan hman tum a tha khawp mai. Mi dangte pawh hian thil tha an duh vang pawh a lo ni ve tho thin a, an sawiselte pawh hian inenlet nan hman phah a tha fo.

Veng hmasawanna tur kan duh tlang theuh a, mi dangte kutah daih a awm hran lo tih kan hriat a tha hle. Sum tam tak lo luang lut lo mahse, faina kawngah te, mi dangte tanpui kawngah te leh rilru dik putna thuah te hian hmasawanna tur kawng tam tak a awm a ni.

Kan chanchinbu hi tun dinhmunah chuan a phekk a tlem a, thuchhuah tur a tam si a, kan chhuah vek seng rih lova min hrethiam leh aniang chu. SMS huangah hian mi pawh kan lo sawi palh anih chuan ngaihdam kan dil a; mahse, siamthatna remchang angah kan ngai ve bawh a nia. A chhutna hmun hi kan thlak zeuh zeuh mai thei, karleah pawh a hmun ngaiyah kan chhu leh rih ang, chhutna hmun nghet hi chu neih kan duh khawp mai. Felfela pa zarah YMA zia pakhat kan hriat belh leh e. Pu Chawia kha kan phut tlat che ania, Pu Zorampela leh Pathara Sailo telin.

Article :

YMA CHU A TIH A TIH A NI

Felfela pa. Neuva Section

Kan hriat theuh angin YMA chhamin hma a sawn thei dawn a ni. Khawvel-a pawl inzawmkhawm (Association) lian berte zinga pakhat chu a ni meuh mai. A hna thawh lian berah pawh Mite tana malsawna nih leh Tanpui ngai tanpui hi a thupui ber a ni. Hetiang rilru pu, pawl thianghlim anih lai hian kan rilruah engtin nge a tlat chiah lo enchiang teh ang.

YMA Member chu tunge? Member in enge a tih tur:

Kan sawi tak ang hian YMA chu pawl lian leh thianghlim, tanpui ngaite a taka tha leh zung, sum leh pai senga tanpui thintu a ni a, he pawl lian tak a member ni thei leh ni pha chinte hi eng angin nge mite tan malsawmna kan nih a, YMA member-in a tih tur mawhphurhna a neihte kan hlen thin em le? Member fee pek a inziahlul mai hi a tam zawh chuan kan duhtawh der mai a nih hi!! YMA Member-a kan in ziahlul hian tih tur (duty) kan kovah a inngat nghal teuh a ni tih hi hriat a tha hle awm e. YMA Member chuan a tih tur YMA hmalakna hrang hranga tel te, Khawhar in kal, khawhar in riah, thlan laih, hnatlan, tanpuingait tanpui, nungchang mawi, mite tana malsawmna nih etc, te hi a tih makmawh a ni, member-a inpe ve si, heng activities hrang hrang a lang ngai lo kan nih chuan in enchian a hun hle a ni. **YMA Chu a tih a tih a ni si a!!**

YMA Member leh YMA thupui : YMA Member zingah hian kan thupui hre lo leh zawm lo hi kan tam hle awm e, heng 1) Hunawl hmanthat 2) Kristian Nundan tha ngaihsan 3) Zofate hmasawanna ngaihtuah, te hi kan thupui a nih laiin hunawl a ruihtheih thil tih nana lo hmang leh mi thil ruk nan a hmante hi a YMA lo hle a ni. A pahnihaah kristian nundan tha ngaihsan anih lai a, khawilai kawthlera lo thut khawma Nula inkhawm bang lo chhah leh hmelhriat kan ngamtak deuhte inkhawm lo auh el vel hi YMA member tih tur a ni lo. Pathumnaah chuan Member tinte hian mahni theuh-ah step khat talin hmasawn tum ila, kan hnam kan

YMA Hruaitu nge YMA Hotu??:

YMA hruaitu tam tak te zingah pawh in enchian ngai tam tak kan awm in a hriat theih awm e. YMA hi pawl anih angin hotu ni lovin hruaitu anni tih hi hriat a tha. Hruaitu tam tak chu hotu emaw kan inti a, tha thawh tak tak si lovin a tawng leh a rel lamah kan chak em em a, Hruaitu dik tak chuan engkim a relah emaw a tha thawhah emaw hruaitu anih angin hmahruai zawk tur a ni tih hriat a tha hle ang, (hetiang hruaitu hi chu kan vengah hi chuan kan awm em lo ang chu maw?). Chuvangin tuna kan thupui **YMA chu a tih a tih a ni** tih hmang hian tute pawh inenchiang ila.

Nu leh pa mawhphurhna : YMA chak leh chak lohnaah hian Nu leh Pate hian mawhphurhna tam tak an nei a ni tih hriat a tha, YMA Member kan fate thlan lai tur te, hnatlang tur te, khawhar In riak tur te in kan tir ngai em? Zanaia mitthi an awmin kal turin kan kaitho ngai em? Hetianga kan ti ngai lo anih chuan Nu leh Pa ten khawtlanga kan mawhphurhna kan hlen lo a ni mai awm e. Tin, Nu leh Pa tam tak hian khawhar in YMA hun hi thalai chauh kalna turah an ngai a, zai tui a har hle thin. Nu leh Pa ten an uap chuan thalai tan pawh tui tak a zai theih niin, zaite a nuam hle thin a ni. Tin, hei bakah hian YMA chakna turin nu leh pa te hian rilru kan seng ve thin em? Nu leh pa te chu YMA hruaitu leh Member te aia lungfing leh ngaihtuahna zau zawk nei anni a, YMA Committee ah hian YMA / Vengchung thatna turin Agenda kan thelut ve ngai em? Kan YMA hruaitute hi thurawn kan pe ngai em? YMA chakna tur leh thatna turin hruaitu te thawhpui a, thurawn leh rawtna te pawh sihhmuh hi kan mawhphurhna a ni tih hria ila. Hetiang hi kan ti ngai lo anih chuan a nachangte hria ila, YMA leh nu leh pa te kan thawhona a that chuan vengin hma a sawn ngei ang.

TAITESENA

☞ Tun kar Ni 31.1.2012 (Thawhle) zan hian Pu RK Rozidinga te inah meeting koh tum a ni a, hruaitute hun awl lo insiam turin kan inhriattir e.

NEUVA

☞ Nimin Dt 28th Jan 2012 (Inrinni) Dar 11:00 AM khan Section meeting Vawi 1-na neih a ni a. Hruaituten pawisa thawhkhawmin tlaiha chawhlui kilho nghal a ni.

☞ YMA Membership Fee, Chhiatni Fund leh YMAAW man khawn thuai tum a ni a. Chhungtin ten thahnemngai tak a lo pe thuai turin kan inngen a ni.

☞ Vengchhunga chhiattawkw chhungte an tawrhpu hle.

VANAPA

☞ Ninga ni zana Section Committee meeting neih tum chu Vengchhung chhiattawh vangin thulh a ni a, Rokhawlhna a awm loh chuan Thawhle zan dar 6:30 hian a hmun ngai Secretary Tv Hmingthansanga te inah neih tur a ni. Mahni bial a YMA Aw semtu, Chhiatni buhfai khawntu tur etc. te lo ngaihtuah lawk ni se.

☞ An hruaitu Ni Vanlalmuanpuui (Lalnui) ruhchuktuah vel na them thum avangin a tawmim rih.

☞ YMA Aw Agent atan Assistant Secretary Pu H.Lalremtuanga ruat a ni a, YMA Chanchinbu Sub-Agent atan Pu Lalfakawma ruat a ni.

CHAWNGBAWLA

☞ Pu RB Laitawia leh Pu Rokhuma te chuan Ni 25.1.2012 khan chatuan ram an pansan a, khawhar chhungte an tawrhpu hle.

☞ Section Meeting chu chhiattawh vanga thulh tawh chu Ni 31.1.2012 Thawhle zana a hmun ngaiha a hun hi sawn a ni a, kohna hranpa siam anih tawh dawn loh avangin, hei hi Committee member ten lo hria se.

☞ Chhiatni Fund leh YMA membership fee chu karleh hianrawn khawn tan a ni dawn a, chhiatni Fund hi Rs 300, Rs 200 leh Rs 100 a khawn a ni ang a, membership fee hi Rs 2 leh kumpuan thawhlawmah Rs 3 khawn a ni ang. Chhungtin te lo inring lawk turin an ngen.

KHUANGCHERA

☞ Khawtlangah chhiattawkw an awm avangin meeting thulh a ni a, rokhawlhna dang a awm loh chuan tunkar thawhle (31.1.12) khian

neih tum a ni.

☞ Ni 4.2.12 (Inrinni) khian Pu K. Lalengmawia (L) te vawk lian tha tak ser tum a ni a, veng mipui ten leisak theuh turin an ngen.

☞ Gas sem leh hunah hetiang hian sem a ni ang. Pi Biakhluni Point ah No 146 - 23 thleng, Pu Dengthanga point ah No 5 - 55 thleng sem a ni ang.

☞ Chhiatni fund arang lama khawn tum a ni a, chhungtin ten lo ngai pawimawh hram turin an inngen. Tin, YMA Aw la tur leh YMA Member pawh a rang lam a lak tum a ni.

CWSC NEWS**VOLLEYBALL**

☞ Republic Day Celebration Inter - Village Volleyball Tournament-ah Mipa leh Hmeichhe Team-in Semi-Final an thleng thei chu an lawm hle a. Players inpekna ropui an ti hle.

☞ An Players Tv Lalbiaksiana damsam lo leh Match khel lai a Pu Lalduhawma Hnamte inhliam erawh paw an ti hle.

☞ Tournament chhuah theihna atan a sum petu Pu C.Lalzarliana leh Pu C.Zonunsangate chung a lawmthu an sawi.

CHANMARI WEST BADMINTON CLUB

☞ Chanmari West vengchhunga Badminton khel thinte chuan thalai, naupang leh upa zawk ten rahbi thar an kai theih nan Chanmari West Badminton Club an din thar a, heng mite hi hruaitu atana ruat te an ni.

President : Pu Lalchhandama Ralte
V. President: Pu T.Bualzika

Secretary : Pu K.Lalzuihang
A. Secretary: Pu C.Lalmuanpuia
Treasurer : Pu Lalbiakhlua (Hlutea)
Fin Secretary: Pu K.Lalthakima

☞ Ni 30th Jan 2012 (Monday) Zan dar 7:30 thalai Inkhawm banah Chanmari West Badminton Club Committee meeting hmasa ber Pu R.Rokima Inah thut tur a ni a. Hruaitu thara ruat zawng zawngte kal vek turin kan inhriattir nghal a ni.

FOOTBALL PLAYERS TE HRIATTIRNA

Red-Ribbon Inter-Village Football khel tur players zawng zawngte Ni 30th Jan 2012 (Monday) zing dar 6:30-ah High School Field-ah kim taka practise chhunzawm tur a ni a. Attendance lak tur a ni ang. Harsatna avanga kal thei lo tur chuan Coach/ Asst. Coach/Manager/Asst. Manager te hnenah inhriattir tur a ni e.

Documentation Sub - Committee

Document Sub-Committee Member turin heng mite hi ruat an ni.

- | | |
|-------------------------------|------|
| 1. Pu Lalrammawia Khiangte | 'K' |
| 2. Pu VL Thakima | 'V' |
| 3. Pu Kawlengmawia | 'T' |
| 4. Pu R.Lalchhuanawma | 'V' |
| 5. Pu Lalnunthara Sailo | 'CH' |
| 6. Tv R.Lalrinngeta | 'V' |
| 7. Tv Lalmuanpuia Zawngte | 'N' |
| 8. Tv Lalsawmzuala | 'CH' |
| 9. Tv Lalmingsanga Pautu | 'N' |
| 10. Tv Jacob Lalrinsanga | 'N' |
| 11. Tv Lalnghakmawia Khiangte | 'T' |
| 12. Ni H.Vanlalhruii | 'K' |
| 13. Ni R.Lalawmpuii | 'CH' |

Thlanannual Sub-Committee

Kum 2012 - a Committee Member-te

- | | |
|--------------------------|------|
| 1. Pu Roluahpuia | 'V' |
| 2. Pu R.Ramlawma | 'V' |
| 3. Pu T.Lalremruata | 'V' |
| 4. Pu Zothanpuia | 'T' |
| 5. Pu C.Zohmingliana | 'T' |
| 6. Pu Lalhmasaa | 'K' |
| 7. Pu Lalrinmuana | 'K' |
| 8. Pu K.Lalchullova | 'N' |
| 9. Tv Vanlalnunpuia | 'CH' |
| 10. Tv Zohmingsanga | 'CH' |
| 11. Tv Vanlalnghaka | 'CH' |
| 12. Tv Zoramthara | 'T' |
| 13. Tv F.Lalhruiitluanga | 'K' |
| 14. Tv Lalhriatkima | 'N' |
| 15. Tv Lalremruata | 'N' |

ZOFA NEWS

☞ Rev. R.B.Laitawia, An Adviser Pu Lalchhandama Ralte pa in Ni 25th Jan 2012 a, a boral san chu paw an tiin an tawrhpu hle a ni.

☞ Ni 2nd Feb 2012 hian Programme neih tur a ni a, hemi a tana inbuatsaih tur tur hian Ni 31st Jan 2012 (Thawhtanni) zan Dar 6:45 hian Indoor Stadium-ah lam zir tur a ni a, member zawng zawngte kal vek turin an inhriattir.

☞ Karleh hun remchangah meeting koh tum a ni.

Lunghlu Road Welfare

Lunghlu Road Welfare chu a hnuai a hun leh hmun ruatah hian kum 2012 a hruaitu thlan tur a ni a, Lunghlu Road Welfare member zawng zawngte he hunah hian kal vek tura hriattir inni e.

A hun : Ni 31.1.2012 zan dar 7:00
A hmun : Pu H.Lalenga In

Inthlan puitu turte;
RO-ah Pu T.Ngurkhuma, President CWBYMA, PO-ah Pi Zamanthangi, AMC Ward VI leh Pi Biakhluni, Local Council Member te an ni ang.

LOCAL NEWS

✎ Mizoram Rural Bank, Chanmari Branch atanga kan lehkha hmuh angin Ni 1st February 2012 (Nilaini) Zing dar 11:00 AM hian MHIP Buildingah Financial Literacy Awareness Camp anrawn buatsaih dawn a. Hetah hian pawisa khawl tangkaina te, Bank atanga Loan Scheme awmthei chi hrang hrang chungchangte, Pawisa thil a inbumna laka kan him theihna tur chungchang a inzirtirna leh inhriattirna neih a ni dawn avangin Veng mipuite kal theuh tur a ngen leh hriattir kan ni e.

✎ Roll-a in thun thar ten heng mite hnenah hian Epic a lam theih a ni.

1) Pu PC Lalringliana T

2) Pu Lalrinliana K

3) Pu Zothangzuala Chhangte K

MHIP NEWS

✎ Ni 2nd February 2012 (Thursday) zan dar 7:00-ah MHIP Buildingah kum 2012 chhung a MHIP hruaitu thlan tur a ni a. Memberte kal vek tur a ni e.

ADMISSION NOTICE
Gov't. LM Primary School-ah kum 2012 atan Admission hawn a ni, Uniform leh Text Book Free a ni.

Class Nursery - IV

School luh hun : 2.2.2012

Admission tihna tur te:

Lalthankima - 9612318651

Lalbiakthuami - 9862914123

Lalzamliani - 9612080341

K. Sangkhumi - 9862576217

ROYAL ENGLISH ACADEMY (Comprehensive)

Chanmari, Chaltlang Road.

Class - V to Class - X

Day leh Hostel

admission a tih theih e.

HSLC Result hnukung ber ah 100% pass a ni.

(6-6)

Contact :-

9862375083/9612297127.

SPRINGDALE SCHOOL

ADMISSION NOTICE, 2012
Admission Opened for
2012 Session

NURSERY - CLASS : X

Nursery Class bik-ah Admission ti hmasa Seat 40 chauh FREE a tihsak an ni ang.

Contact No :-

2346306/9862812084

(6-5)

9862336196

PARADISE HINDI SCHOOL, ST. VALENTINE CHRISTIAN HINDI COLLEGE & INTERNATIONAL MIZO HINDI ACADEMY

National level Central Board Hindi Exam passed tha te zinga tel pha ngat. Hna hmu thei ngei tura inchherchhuah tumte'n pan chi. Tawng zirna bik tel - "Practical Standard Hindi Speaking Course" nei duh tana Zing, Chhun & Tlai class kal theih a ni. 'Pathian thutak leh 'Discipline tha tak' a inkaihhraina. Central chhuak zurtirtu thiam takte'n hneh taka an zirtir thin avangin changkang bik leh ngaihsan an hlawh. UNIVERSAL HINDI COMMUNICATIONS CENTRE (UHCC) Board Office, Aizawl New Market bul, Sunrise Building, Chhinga Veng (Ph. 2314105, Mb. 9436153368) bul tanna 'Hindi Advance Course' atanga BA thleng fresh Admission hawn mek a ni. Fee-a lak tel loh Zirlaibu man Free. Hindi hla zai thiam zirna 'Sur Sangam Course FREE bawk. Uniform hak ngai lo. "UHCC LINEN JUBILEE STUDY TOUR cum PICNIC & SPORTS" Mizoram pawnah neih a ni dawn. (3-1)

NLUP an sem chur chur

NLUP-a vawk leh ar vulh thlangtute tan kaw! a eng zel e, AASHA Store, HB Motors kawt, Edentharah hengte hi a awm e :

1. Ar te leh lian chaw tha tak tak.
2. Vawk chaw tha leh man tlawm.
3. Atta leh maida
4. Wheet vai, bawng leh vawk ei chi bakah buhfai, tel, dal, etc..

9863228009,

AASHA Store

9856612007,

Edenthar

9863499022

Lalsangliana

(2-2)

Petrol pump kawt

KIDS CARE (House of Children) PRE-SCHOOL, DAY CARE & TUTORIAL CLASSES

Naupang enkawl na tha, Montessori School of Education atang ngeia training chhuakin an enkawl tur, KIDS CARE (House of children), Saron Veng, Pu Chhuanawma Building (Police RUN bul/Nursing College Opposite) ah buatsaih mek a ni. February 2012 ah Class tan tur a ni. Kum 2 leh achanchein Admission duh tan a ngaihsan theih e. Medical check-up neih thin a ni ang. Naupang pick leh drop kan ti thei e. Pre-School bakah hian nauawmna (DAY CARE) buatsaih a ni. Hei bakah hian tlai lam-ah Class I-VII tan home assignment/tuition classes mumal tak a awm bawk ang.

(3-1)

9612248240 / 9671272588

HETAH HIAN SMS LA

>>>9862358337<<<

✎ SMS huang, mipuite vei zawng sawi theihna hun leh hmun a awm hi a va lawmawm em! YMA leh khawtlang siam thatnan i hmang tangkai zel ang u.

89741 ___ 60

✎ Kan veng kawrpuaia ar hmul, vawksa sahna lehkha khawng leh bawllhlawh paih thinte khan sim teh u, veng a ti tawp tlat.

96153 ___ 26

✎ Kan Khawnvartui Retailer-te hian khawnvartui hi an va sem khat ve le. Thla 3 chhungin wavi khatmah an sem lo hi a chhan hria kan awm mial em?

98560 ___ 18

✎ Y.M.A. Aw a hmung chuang, member pawimawh mi hrang hrang, mi 120 chuang kan nei a. Hengho ringawt pawh hian taima tak chuan thawk sela hma kan sawn phah ngei ang. Nihna chauh duh lovin, kumin chu i thawk ang u aw.

96135 ___ 72

(SMS kan dawn te hi Ed. Bd ngaihdan a ni vek kher lo)

AIZAWL WEST ACADEMY

Dawrpui vengthar

Admission open for MORNING CLASSES (MBSE Course) @ Gov't. Aizawl West College, Dawrpui Vengthar for Class X.

Class timing ; 6:00 Am- 8:15Am

(Experienced Teachers, Study Tour, Outdoor Games, Student/Parent Participation)

Call - **9862365768 / 8974437446**

NEW HORIZON

SCHOOL OF EDUCATION

Day & Residential School

Admission Opened

for 2012 Session

Class I - XII (Arts)

Special Features :

- * *International Standard Digital Learning Technology hmanga zirtirna school*
- * **Offers Spoken English & Hindi**
- * **English Accent Training Class**
- * **Co-scholastic activities tangkai ngah ber School**
- * **Kumfin Board Exam Result tha kan nei thin**

Class hniam ber - I tan Free Admission + free frock/trouser

Contact : (0389) 2346362

(9-9) **9436141868 / 9612228372**